



Republika e Kosovës / Republika Kosova / Republic of Kosova



Komuna e Podujevës / Opština Podujevo / Municipality of Podujeva

KOMUNA E PODUJEVËS
DREJTORIA PËR KULTURË, RINI DHE SPORT
Datë 07.04.2023

Bazuar në nenin 62 pika 3, të ligjit për vetëqeverisje lokale nr. 03/L-040. Rregulloren MF-Nr.04/2017, mbi kriteret standarte dhe procedurat e financimit publik të OJQ-ve, neni 61 paragrafi 1 dhe 2 të statutit të Komunës së Podujevës nr. 01-020/01-0050862/18 dhe Vendimit të Kryetarit të Komunës për shpalljen e thirrjes publike për mbështetje financiare publike për projektet, programeve të organizatave joqeveritare në Komunen e Podujevës nr. Protokollit 02-016/01-0025375/23 datë 06.04.2023.

THIRRJE PUBLIKE

Për ofrimin e mbështetjes financiare publike për financimin e projekt propozimeve të Klubeve dhe Shoqatave sportive, për organizimin e aktiviteteve sportive në Komunën e Podujevës

1. Drejtoria për Kulturë, Rini dhe Sport në Komunën e Podujevës u bënë thirrje të gjithë Klubeve, Shoqatave sportive të regjistruara në Republikën e Kosovës, programi i punës i të cilave është i fokusuar te fushat sportive, të aplikojnë për mbështetje financiare për projektet që kontribuojnë në zhvillimin dhe masivizimin e sportit dhe organizimin **gjithnjë duke u bazuar në politikat programore të Drejtorisë për Kulturë, Rini dhe Sport, në Komunën e Podujevës.**
2. Klubet, Shoqatat sportive, në përputhje me këtë thirrje publike mund të aplikojnë me projekt propozimet për organizimin e aktiviteteve sportive.
3. Klubet, Shoqatat sportive – mund të aplikojnë me një projekt që kontribuojnë në organizimin e fushave - sportive, përmes aktiviteteve si më poshtë:

Veprimtaritë:

- **Masivizim i sportit**
 - Promovim i talentëve të rinj;
 - Masovizimi i sportit për të rinj;
 - Avancim i aktiviteteve në klubet sportive dhe përfshirja e gjinisë femërore në sport;



- Integrim i grupeve të marginalizuara në aktivitete dhe gara sportive;
 - Integrim i personave me nevoja të veçanta në aktivitete dhe gara sportive;
 - Mbështetje e aktiviteteve sportive për fëmijët e Podujevës;
 - Përkrahje e projekteve me qëllim të zhvillimit të ligave shkollore në nivel lokal dhe rajonal.
- **Ngritja e kapacitetit në fushën e sportit**
 - Përkrahje e klubeve sportive;
 - Përkrahje e sportistëve kulmorë dhe klubeve të suksesshme;
 - Bashkëpunim me organizata të ndryshme sportive, vendore dhe ndërkombëtare, me qëllim të realizimit të projekteve për avancimin e trajnerëve, të cilët punojnë me grup moshë të ndryshme;
 - Ngritje e nivelit profesional të klubeve sportive;
 - Aktivitete edukative me simpatizantë me qëllim të evitimit të dhunës dhe kultivimit të vlerave fisnike të sportit.
 - **Organizime sportive;**
 - Manifestime sportive në shënimin e ngjarjeve të rëndësishme vjetore, siç është java e diasporës.
 - **Edukime joformale (stimulimi dhe përfshirja e të miturve në edukatën sportive)**

4. Vlera totale e planifikuar e thirrjeve për subvencione për këtë vit është 100,000 € (Euro).

Shuma minimale e mbështetjes financiare që mund të alokohet për çdo projekt është 1,000 € (Euro), ndërsa shuma maksimale për një projekt është 8.000 € (Euro).

5. Afati për dorëzimin e propozimeve është 15 ditë pune, nga data 10.04.2023 dhe përfundon me datën 03.05.2023.

6. Klubet, Shoqatat sportive, mund të aplikojnë vetëm me një projekt.

Periudha e zbatimit të projektit është deri në dhjetor 2023.

Kriteret për pjesëmarrje në thirrjen publike të subvencioneve për Sport:

- Klubet, Shoqatat sportive dhe organizata të tjera, të cilat realizojnë aktivitetin e tyre në Komunën e Podujevës;
- Klubet, Shoqatat sportive, mund të subvencionohen vetëm një herë brenda vitit nga Komuna e Podujevës;
- Klubet, Shoqatat sportive, të cilët nuk kanë përmbyllur raportin e subvencioneve të viteve paraprake nuk kanë të drejtë të përfitojnë nga subvencionet e Komunës së Podujevës në këtë thirrje;



- Të mos kenë pranuar mjete nga burime tjera të financimit për të njëjtat aktivitete;
- Të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës;
- Klubet, Shoqatat sportive, nuk mund të përfitojnë me dy ose më shumë projekte nga subvencionet e Komunës së Podujevës brenda një viti, qoftë edhe në kategori të ndryshme. Si dhe kufizimet e parapara me rregulloren për subvencione në Komunën e Podujevës;
- Të drejtë aplikimi me projektet e tyre kanë Klubet, Shoqatat sportive, që janë të regjistruara si OJQ, në regjistrin e organizatave jo-Qeveritare në Republikën e Kosovës, po ashtu klubet të cilat janë të regjistruara si klube sportive në Komunën e Podujevës, të cilat veprojnë në Republikën e Kosovës;
- Klubet, Shoqatat sportive, aplikuese duhet të dëshmojnë se programi i tyre i punës është i fokusuar në fushat si të cekura më lartë. Po ashtu të kenë kryer transaksionet financiare në mënyrë transparente sipas legjislacionit për në Republikën e Kosovës dhe në përputhje me rregullat e kontabilitetit si dhe të kenë përmbushur detyrimet kontraktuale ndaj Komunës së Podujevës dhe të gjithë ofruesëve tjerë të mbështetjes financiare publike.

Procesi i pranimit, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i dokumenteve dhe kalendari tregues i zbatimit të thirrjes, janë të detajuara në [Rregulloren për subvencione](#).

Kujdes: Aplikacionet, të cilat nuk e kanë dokumentacionin e kompletuar do të diskualifikohen.

Dokumentet nuk pranohen pas mbylljes së thirrjes publike. Ngarkimi i dokumentit të gabuar konsiderohet si mungesë e dokumentit.

Nuk do të pranohet ndryshimi i subjektit të aplikantit nga individ në cilindo variant tjetër, pas përfundimit të aplikimit. E njëjta vlejn edhe për ndryshim të xhirollogarisë.

Të gjithë aplikantët të cilët kanë ndërruar të dhënat e tyre duhet të sigurohen që t'i përditësojnë informatat e tyre në sistem gjatë periudhës së afatit të aplikimit për subvencione.

Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, dhe të cilat i përmbushin plotësisht kushtet e përcaktuara sipas thirrjes publike.

Lista e dokumenteve të thirrjes publike

➤ Për OJQ-të:

- Çertifikata e regjistrimit të OJQ-së;
- Çertifikata e nr. fiskal;
- Vërtetimi/Konfirmimi i llogarisë bankare të OJQ-së (nuk pranohet kopje e kartelës bankare);
- Kopjen e letërnjoftimit/pasaportës të përfaqësuesit të OJQ-së;



- Vertetimin që OJQ nuk ka obligime tatimore nga ATK (shkarkohet online);
- Deklarta për financimin e dyfishtë;
- Deklarata e partneritetit;
- Formulari i projekt prozimit të thirrjes publike;
- Formulari i propozim buxhetit.

➤ **Për klube/shoqata:**

- Çertifikata e regjistrimit të OJQ-së;
- Çertifikata e nr. fiskal;
- Vërtetimi/Konfirmimi i llogarisë bankare të OJQ-së (nuk pranohet kopje e kartelës bankare);
- Kopjen e letërnjoftimit/ pasaportës të përfaqësuesit të OJQ-së;
- Vertetimin që OJQ/klubi/shoqata nuk ka obligime tatimore nga ATK(shkarkohet online);
- Kopje të vendimit e regjistrimit të klubit/shoqatës në DKRS;
- Deklarata e partneritetit;<https://kk.rks-gov.net/podujeve/wp-content/uploads/sites/25/2023/04/DEKLARATA-E-PARTNERITETIT.doc>
- Deklarata për financimin e dyfishtë;<https://kk.rks-gov.net/podujeve/wp-content/uploads/sites/25/2023/04/DEKLARATE-MBI-FINANCIMIN-E-DYFISHTE.docx>
- Formulari i sportit;<https://kk.rks-gov.net/podujeve/wp-content/uploads/sites/25/2023/04/3-Formulari-per-Sport.docx>
- Formulari i projekt propozim thirrjes publike;<https://kk.rks-gov.net/podujeve/wp-content/uploads/sites/25/2023/04/Formulari-i-Projekt-Propozimit-i-thirrjes-publike.docx>
- Formulari i propozim buxhetit.<https://kk.rks-gov.net/podujeve/wp-content/uploads/sites/25/2023/04/FORMULARI-I-PROPOZIM-BUXHETIT.docx>
- Udhëzuesi për aplikim;<https://kk.rks-gov.net/podujeve/wp-content/uploads/sites/25/2023/04/2-Udhezuesi-per-aplikuesit-e-thirrjes-publike.docx>

Vërejtje/Kujdes:

- ❖ **Raporti Narrativ** - i cili përfshin dëshmi nga projekti i aktivitetit qoftë nëpërmjet dëshmive të fototografimit. Ky raport duhet të plotësohet dhe të nënshkruhet nga Personi që ka nënshkruar marrëveshjen për subvencione. Raporti duhet të dorëzohet pas përfundimit projektit.

Raporti narrativ i përgatitur duhet deklarohet dhe:

- ❖ Të përfshijë dokumentacion mbështetës (si foto, regjistrime të ndryshme të aktiviteteve, etj).
- ❖ Të nënshkruhet nga një person në pozicion drejtues të subjektit grantmarrës.
- ❖ **Raporti Financiar** – kërkohet që të përmbushen obligimet e raportit financiar njëjtë sikurse të gjitha subjektet tjera juridike. Në përputhje me Ligjin nr. 04/L-57 të gjitha OJQ-të e regjistruara në Departamentin për OJQ, të cilave në vazhdim i'u është dhënë Statusi i Përfitimit Publik duhet të përgatisin një raport vjetor të projektit.



Raporti financiar i përgaditur duhet deklarohet dhe:

- ◆ Të përshkruajë shpenzimet në përputhje me buxhetin origjinal duke reflektuar shpenzimet e kërkuara dhe ato të kryera
- ◆ Të përshkruajë çdo pajisje të blerë.
- ◆ Të evidentojë çdo fond të pashpenzuar (të cilat duhet të kthehen ose për të cilat kërkohet shtyrje e afatit të përdorimit).
- ❖ Të nënshkruhet nga një person në pozicion drejtues.
- ❖ Të gjitha aplikimet të cilat nuk do të kenë dokumentacionin e kompletuar nuk do të merren parasysh.
- ❖ Ju lutemi që projekt propozimin ta shkruani në **formë elektronike**, (të printuara). **Projekt propozimet me dorëshkrim nuk pranohen.**
- ❖ Dokumentat e kompletuar dërgohen në zyrën pritëse, kati i parë në Komunën e Podujevës, **në zarfe të mbyllura.**
- ❖ Nuk do merren në shqyrtim Klubet/Shoqatat sportive, të cilat nuk janë treguar të përgjegjshme në deklaramin dhe formën e mbajtjes së aktivitetit në vitin kalues.

Për çdo paqarësi kontaktoni në email adresat: jakup.gashi@rks-gov.net dhe vedat.mucolli@rks-gov.net

Drejtorja për Kulturë, Rini dhe Sport
Rruga "Nuhi Gashi" Podujevë

Në zarf të shkruhet qartazi:

Drejtuar Zyrës së Shërbimit për qytetarë në Komunën e Podujevës:
Aplikim në kuadër të Thirrjes për projekt-propozime për vitin 2023
Emri i aplikantit: _____
Titulli i projektit: _____

DREJTORIA PËR KULTURË, RINI DHE SPORT, DO TË VAZHDOJ PROCEDURAT E REALIZIMIT TË THIRRJES PUBLIKE KONFORM DISPOZITAVE TË PËRCAKTUARA LIGJORE.


DREJTOR
për Kulturë, Rini dhe Sport

Paftim Balaj

